

Soalan Lazim PRULink Managed Fund II (PMF II)

1. Kemas kini strategi pelaburan

- **Mengapakah Prudential mengemaskinikan strategi pelaburan PRULink Managed Fund II (PMF II)?**
Kemas kini strategi pelaburan dana tersebut dilaksanakan supaya dapat memberi lebih nilai tambah buat pelanggan kami dalam jangka panjang. Kami percaya bahawa strategi pelaburan PMFII berupaya untuk memperkasakan pengurusan dana yang mampan di samping menawarkan potensi prestasi dana yang lebih baik.
- **Apakah yang dimaksudkan dengan kemas kini strategi pelaburan tersebut?**
Peruntukan aset antara ekuiti tempatan dengan sekuriti pendapatan PRULink Managed Fund II (PMF II) masih lagi sama. Walau bagaimanapun, kemas kini bertujuan menyalurkan 90% daripada strategi peruntukan ekuiti PMF II kepada PRULink Strategic Fund (PSF), manakala baki 10% akan dikekalkan dalam PRULink Equity Fund (PEF).
- **Bagaimanakah kemas kini strategi pelaburan ini boleh memberi impak ke atas pelaburan sedia ada saya?**
Tiada impak ke atas pelaburan sedia ada anda. Proses kemas kini tersebut mungkin boleh menyediakan potensi bagi menjana prestasi dana yang lebih baik melalui pemilihan stok berikutan strategi pelaburan PRULink Strategic Fund (PSF) bertumpu terutamanya kepada syarikat Peneraju dan syarikat Bakal Peneraju.
- **Bolehkah anda beritahu saya mengenai dana sasaran baharu, PRULink Strategic Fund (PSF) dengan lebih lanjut?**
PSF melabur terutamanya dalam syarikat Peneraju dan syarikat Bakal Peneraju melalui syarikat permodalan besar, sederhana dan kecil bagi memberikan potensi prestasi dana yang lebih baik.

Untuk mendapatkan maklumat lanjut tentang PSF, anda boleh merujuk kepada Lembaran Fakta Dana Induk menerusi [Savings & Investment Funds | Prudential Malaysia](#). (Nota: Prestasi lepas tidak menunjukkan prestasi masa hadapan dan prestasi dana tersebut tidak dijamin.)

- **Bilakah kemas kini strategi pelaburan ini akan berkuat kuasa?**
Kemas kini strategi pelaburan akan berkuat kuasa mulai 16 Julai 2022.
- **Adakah terdapat sebarang kos tambahan kepada saya?**
Tiada kos tambahan ke atas anda. Perlindungan insurans anda juga tidak terjejas.
- **Apakah yang boleh saya lakukan jika saya memilih untuk melaburkan pelaburan sedia ada dalam dana selain PRULink Managed Fund II (PMF II)?**
Anda mempunyai pilihan untuk menukar unit pelaburan sedia ada daripada PMF II kepada mana-mana dana seperti yang ditawarkan oleh polisi yang berpandukan tahap toleransi risiko dan keutamaan pelaburan anda.
- **Bagaimanakah saya boleh melakukan penukaran dana?**
Anda boleh melakukan penukaran dana sebagaimana proses transaksi dana semasa, iaitu dengan melengkapkan borang "Permohonan Pengeluaran, Penukaran, Penyaluran Premium atau Pembatalan Pengeluaran Berstruktur".

2. Penyaluran Premium Berulang

- **Apakah yang dimaksudkan dengan penyaluran premium berulang?**
Penyaluran premium berulang ialah apabila anda memberikan arahan kepada kami untuk menyalurkan premium berulang anda sama ada mengikut jenis dana atau perkadaran pelaburan.
- **Adakah wajib untuk menyalurkan bayaran premium berulang saya daripada PRULink Managed Fund II (PMF II) kepada PRULink Managed Plus Fund (PMPF)? Bolehkah saya memilih dana lain selain PMPF?**
Tidak wajib bagi anda menyalurkan premium berulang daripada PMF II kepada PMPF. Anda mempunyai pilihan untuk menyalurkan premium berulang kepada PMPF atau mana-mana dana seperti yang ditawarkan oleh polisi yang berpandukan tahap toleransi risiko dan keutamaan pelaburan anda, atau anda juga boleh memilih untuk mengekalkan premium dalam PMF II.
- **Apakah yang akan berlaku jika saya tidak memberikan arahan penyaluran premium menjelang 4 Julai 2022?**
Sekiranya anda tidak mengambil tindakan, premium berulang akan kekal dilaburkan dalam PMFII. Namun begitu, kami menggalakkan anda untuk menyalurkan premium berulang anda ke dalam PRULink Managed Plus Fund (PMPF) yang mempunyai pendedahan ekuiti tempatan dan asing sebagai tambahan kepada pendedahan sekuriti pendapatan tetap tempatan.

- **Mengapakah saya digalakkan untuk menyalurkan premium berulang kepada the PRULink Managed Plus Fund (PMPF)?**

PMPF ialah pilihan yang dicadangkan untuk pertimbangan kerana PMPF memberikan anda peluang agar dapat menyertai kedua-dua pasaran ekuiti tempatan dan asing sebagai tambahan kepada pasaran pendapatan tetap tempatan. Selain itu, PMPF juga berupaya memanfaatkan peluang pelaburan global yang luas, berbanding pasaran ekuiti tempatan.

- **Bolehkah anda beritahu saya tentang PRULink Managed Plus Fund (PMPF) dengan lebih lanjut?**

Strategi pelaburan PMPF dan PRULink Managed Funds II (PMF II) adalah mirip, dengan gabungan kedua-dua ekuiti dan sekuriti pendapatan tetap berada di bawah struktur Dana ke Dana kecuali PMPF mempunyai pendedahan ekuiti asing maksimum sehingga 40%. Peruntukan aset neutral PMPF ialah 60% dalam ekuiti dan 40% dalam sekuriti pendapatan tetap.

PMPF memberikan anda peluang untuk mengambil bahagian dalam pasaran ekuiti tempatan dan asing yang menawarkan ruang pelaburan global yang luas, berbanding pasaran ekuiti tempatan. Selain itu, PMPF juga memberikan anda peluang untuk mempelbagaikan risiko dari negara tertentu.

Untuk mendapatkan maklumat lanjut tentang PMPF, anda boleh merujuk kepada Lembaran Fakta Dana Induk menerusi [Savings & Investment Funds | Prudential Malaysia](#). (Nota: Prestasi lepas tidak menunjukkan prestasi masa hadapan dan prestasi dana tersebut tidak dijamin.)

- **Bagaimanakah saya boleh menyalurkan premium berulang kepada PRULink Managed Plus Fund (PMPF)?**

Anda boleh menyalurkan premium berulang kepada PMPF dengan:

- Mengambil langkah berpandukan pautan yang diterima melalui SMS untuk menyempurnakan arahan, atau
- Mengisi borang yang diterima berserta surat bercetak

- **Di samping itu, bagaimanakah saya boleh menyalurkan premium berulang kepada dana selain PRULink Managed Plus Fund (PMPF)?**

Anda boleh menyalurkan premium berulang kepada mana-mana dana lain sebagaimana yang ditawarkan oleh polisi yang berpandukan tahap toleransi risiko dan keutamaan pelaburan anda. Sila lengkapkan borang "Permohonan Pengeluaran, Penukaran, Penyaluran Premium atau Pembatalan Pengeluaran Berstruktur".

- **Jika saya telah menyalurkan premium berulang daripada PRULink Managed Fund II (PMF II) kepada PRULink Managed Plus Fund (PMPF), bolehkah saya menyalurkan semula premium berulang tersebut kepada PMF II selepas itu?**

Ya, anda boleh menyalurkan semula premium berulang kepada PMF II selepas itu.

- **Bilakah saya boleh menyalurkan premium berulang?**

Anda boleh menyalurkan premium berulang pada bila-bila masa. Penyaluran premium berulang kepada dana pilihan utama anda akan mula berkuat kuasa pada tarikh cukup premium yang berikutnya.

- **Adakah terdapat sebarang kos yang akan saya tanggung?**

Tiada kos dikenakan ke atas anda. Perlindungan insurans anda juga tidak akan terjejas.

3. Soalan lain

- **Polisi saya telah luput. Bolehkah saya teruskan dengan penyaluran premium berulang/penukaran?**

Ya, boleh. Anda perlu menghidupkan kembali polisi terlebih dahulu, kemudian barulah anda boleh melaksanakan penyaluran atau penukaran dengan sewajarnya.

- **Apakah yang akan berlaku jika Hayat Yang Diasuranskan meninggal dunia dalam 90 hari yang akan datang?**

Kami akan memproses dan menunaikan tuntutan kematian seperti yang termaktub dalam polisi berkenaan.